

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. III. Angores in morte maximè terribiles, à malâ Conscientiâ proueniant.
Exponitur quomodo inferantur. His autem medetur bona Conscientia; &
clientem suum consolatur bonorum operum memoriâ, & ...

urn:nbn:de:hbz:466:1-11367

naturæ pars; istud certum est, naturæ corruptæ non minimum esse supplicium. Affero tamen eiusmodi non esse, quod non facile possit superari, si alia moriturum non afficit metuendi materia.

S. II 17

Angores in morte maximè terribiles, à malâ Conscientiâ prouenient: exponitur quomodo inferantur. His autem medetur bona Conscientia; & clientem suum consolatur honorum operum memoria, & fiducia vitæ aeternæ acquirendæ.

Omnibus
natura
malis in
morte per-
cipiendis,
medicina
est bona
Conscientia.

I Stud certè non satis percipio, ecce ad eadē agamus stolidē, ut naturæ tormentum mortisque dolores, peruerfitate prorsus intolerabili augeamus; mortisque securi admodū dum vita est super medicinam futuro malo non expediamus, quā non tantum angores mortis detur delinire & imminuere, sed sàpè etiam prorsus euadere? Quid, quòd & ejusmodi medicamen sit parabile, quòd delibera mors, quidquid amaroris secum trahebat, deponat actutum, & in dulcissimos amores morienti conuertatur? Aures hic arrigis. Et ecquæ hæc medicina, inquis, aut quòd miscenda est artificio? Non alio quàm Conscientiæ recte compositæ. Hæc sola angores omnes potest elidere; hæc vnicum doloris, in mortis articulo ingruentis, est lenimentum; hæc cordi oppresso præsentissimum pharmacum, & quidem vnicum. Hoc armatus, mortis tela & excipit impavidus, & verò etiam deridet animus. Nam vt ex D. Ambrofio antè dicebamus: *Nihil habemus quod ex morte metuamus, si nihil quod metuendum sit, vita nostra commisit.*

Mali Con-
scientia ma-
ximè tor-
ques reum
in mortis
articulo.

Ex aduerso etiam, non inuitus fateor, nihil esse mortis articulo, homini terribilis, cui à Conscientiâ non est benè. Si enim vnumquam iras exacuit, si vnumquam animum torquet, & tortoris ad instar carnificinam exercet intolerabilem, hoc certè eo temporis facit momento: tum vires omnes exerit, & ætatis elapsæ, quâ sceleratum animum non exercuit, damnum cum fœnore reparat: dolores ingeminat, stimulus multiplicat, & identidem nouos præteritis superaddit, miserisque languentem animum & carnem dum conuel-

conuellitur, exercet modis. Tum sanè, si vñquam, verum esse comperitur, quod in hanc rem præclarè docet Philo, cùm nefasta illa & infelix hora appetierit, quæ infelicitati æternæ datura est initium. *Impio homini, inquit, necesse est aut adesse, aut imminere aliquid mali. Itaque futuri expectatio timorem gignit ; presentis usus, mestitiam.* Videte obsecro, an non vtrumque peccatori cum Conscientiâ magis quam cum morte colluctanti, in lecto, id est, in arenâ fatali competat. Atque hinc terrores infausta virtus, quos, dum finienda est, animo ingerit, paucis accipite.

Philo l.
quod de-
terius po-
tiori insi-
diatur.

12. Præsentem enim miseri peccatoris statum si attendis, quid quæso is afferre potest, præter ingentem, & verò etiam intolerandam animo mestitiam, & dolorem? Pauculæ adhuc supersunt horæ: interim toto corpore nerui distrahitur; tremunt membra; colliduntur viscera; palpitat cor; dolores ingeminantur undique; pœnæ exacuunt aculeos, eosque ingerunt, quasi vindictam sumpturæ de perceptis voluptatibus, quæ corpus per summam adulationem demulserunt, totiusque cum Deo instituti belli fuere & caussa & initium. Interim susque deque agitatur animus; & quasi tempestatibus adactus, in omnem partem abripitur, teste Isaiæ 57.
v. 20. 21. Isaiâ : *Impij autem quasi mare feruens quod quiescere non potest; & redundant fluctus ejus in concultationem & lutum. Non est pax impij, dicit Dominus. Quocumque enim se conuerterit nihil inuenit, nisi doloris noui alimentum. Si enim ad diuitias, etiam justè partas, adjicit animum; eheu deserendæ jam sunt tandem. Si voluptrates nunc præteritas, ex effato viribusque destituto corpore contemplatur; ah! quam sese nunc alias ostendunt, quam dum libidini faces subderent! quam alios nunc vultus præferunt deliciæ, quam dum deceptæ menti fucum facerent! Si ad amicos aduerit oculos, eosque aduocat in auxilium, à plerisque sentiet se destitutum; vt potè qui non tam hominem, quam hominis fortunam sequebantur: à præsentibus autem, lecto forte circumfusis, nihil quidquam est quod expectet præsidij. Vxoris adstantis conspectus nunc est fastidio; filiorum verò tormentum est; vt quos se videat, non tam opum, quam scelerum scandalorumque à se datorum, hæredes instituere. Quò itaque se vertet miser, vt solatijs quidquam inueniat? Cælum si aspicit, ah quam ingens hic occurrit suspirandi materia, cùm istud recordatur, expectatione quantâ exciderit! Ad Deum si accurrit, Judicem iauetur, & quidem*

Primi per
præsentem
mestitiam.

describun-
sur eius
causa &
statim pec-
catoris mo-
ritus.

quidem offensum. Angeli quondam custodis patrocinium si exquirit; quid h̄ic quæso aspicet nisi m̄estos oculos, præteritas à se nequidquam impensas curas, jure merito deplorantes. Cogitationes denique suas, & Conscientiam, consolationis ergo si consulit; h̄ic vero in tormenta sese ingerit acerbissima. Nam vt rectè Augustinus, *Iudicis tribunal est in mente tuâ, sedet ibi Deus,* D. Aug. in psal. 57. *adest accusatrix Conscientia; tortor, timor.* Itaque vt alio loco exclamat Augustinus *Ecce hostem suum inuenit, quod consigerat.* In D. Aug. in psal. 45. hâc arenâ te præstolata est Conscientia, ô Peccator; hunc temporis articulum expectabat hactenus: nunc tecum ager feriò, dum inermis es: viribusque corporis, quæ tē ferocem reddebat & impavidum, planè defecto, manus admouebit intrepida, & tormento cruciabit exquisitissimo.

Nunc inquam, dum voluptatum fumi evanuere, cùm affectionum insana cessat intemperies, & cerebrum simulacris vanis vacuum, seriis cogitationibus liquando est peruum; solum deniq; cùm animum inuenit, passionum affeclis, corporisq; semper peruicacis præficio destitutum; partes suas ager & quidem strenuè, quæ hactenus scelerum vi, & affectionum clamoribus deterrita, sese continuit Conscientia. Jam sanè ob oculos liquido exponet præteritam peccandi libidinem; & veterum scelerum infamem memoriam refricabit. Omnibusque quasi in speculo objectis, tum demum, istud rogabit feriò: ecquid tandem delectationis tibi factum sit super, quam ex illicitis scelerum deliciis olim injustè percepisti? Quid ex præteritis voluptatibus tibi reliquum jam est miserande, nisi tedium opprobrij quod à te ipso pateris, & quo jure optimo cruciatis? Enim uero jam suspiras, jam angeris, jam exclamas, *Ergo errauimus à viâ veritatis,* cùm tibi toties nequidquam istud ingesserim, *Ergo erramus.* O frustra impensas olim euras meas! & ô frustra nunc profusas lachrymas tuas! Quid enim ingemiscis nunc, quid lamenta ingeminas, inops consilij quod toties tibi datum à Conscientiâ respulsi? Audio te cum Jobo in h̄ec verba erumpentem; *Peccavi,* Iob. 7. v. 20. *quid faciam tibi, ô custos hominum?* Istud enim nanc demum exquiris: pœnitentiam sanè age, dum tempus resipisci adhuc datur; & salua sunt omnia. Tempus datur inquis, at non datur pœnitendi gratia: & sic quod reliquum vitæ est, non protractur nisi in dolores. *Ah custos hominum, quare me posuisti con-*

*Stimuli
quos ex
præterito
rum recor-
dationis,
Conscientia
morientis
atmouet
describi-
tur.*

*Motilia
moriori
peccatoris.*

trarium

13.

14.

15.

16.

ibid.

Gen 18.
v. 20.Iob. 7.
v. 21.
Psal. 50.
v. 5.

trarium tibi, *¶ T* factus sum mihi met ipsi grauis ? Istud etiam ro-
gare non erubescis ? Factus es enim uero tibimet ipsi grauis, *quia*
peccatum tuum aggrauatum est nimis : tibimet ipsi grauis es ; quia
rationibus tuis onus debitorum adjecisti, quæ tibi expungere jam
non est facile & in promptu. Frustra igitur rursus interrogas ira-
tum Deum, *Cur non tollis peccatum meum*, *¶ T* quare non auferas
iniquitatem meam ? profectò *peccatum tuum contra te est semper*,
vt impudentiam tuam tuis ipse oculis conspicias ; vt te scelerum
Conscientia excruciet, vt tui ipsius te pudeat ; denique vt ex te
ipso tibi fiat carnificina, tuumque tibi sis tormentum. Hæc per-
pende quisquis es ; illudque nunc expende quantus futurus sit,
in mortis articulo, à Conscientiâ malæ menti intortus dolor.
Atque hoc primum est, quod Philone teste, impio necesse est
malum adesse, & quæ exinde gignitur, præsentis vitæ mæsti-
tia.

¶ 4. Verùm eheu, cùm præsentis vitæ angoribus, expectatio fu-
ri adiicitur, Deus bone ! quantis cruciatibus angicor, atque a-
nimum constringi necesse est, quem vel minimus Christianæ Fi-
dei sensus tangit, aut aliqua salutis æternæ cura, habet sollici-
tum ! Ad quem confugiet, cùm ei non tacite, sed clarâ voce
Conscientia exprobrabit ; omnia quæ hactenus latuere scelera,
pro Dei tribunali, audiente orbe vniuerso propalaturam se, ne-
que quidquam ommissuram quod pudorem exacuat ? Actoris
quinimo rigidissimi acturam sese partes, atque omnes qui Judici
Christo assessuri sunt Sanctos, quin & ipsam Misericordiæ Ma-
trem concitaturam se, vt justam condemnationis tuæ senten-
tiā aut ferant, aut latam calculo suo comprobent vniuersi. Heu !
quàm triste erit meminisse, corporis vix occludendos, quin men-
tis aperiendi sint oculi, qui in irati Judicis incurvant vultus !
Quàm horrendum est, æternitatis viam subire, Conscientiâ co-
mite, irasque gerente implacabiles ! An major in hâc mortali vi-
tâ infernus excogitari potest, quàm videre infernum jam nunc
se circumferre ? Duriorne datur cruciatus, quàm corpus desere-
re, fide datâ, non aliâ lege reddendum animæ, quàm vt æter-
nas pœnas vñâ luant, rixasque inter se conserant immortales ?
Quis hæc astruit, inquis, quis hæc affirmat ? Tuamet Conscien-
tia tibi id exprobrat, ô peccator, nec metus ex vano facit. Et
quod est acerbissimum genus opprobrij, nequidquam ei os ob-
stol.

Secundo
torquet
mala Con-
scientia per
expectatio-
nem &
metum fu-
turorum.

H h h h struitur,

struitur, aut oblititur. Quidquid obtrectanti opposueris, antiquum obtinet, eademque recantat identidem. Nec si fidem ei denegas, aures tamen tam truculentis Conscientiae tuæ vocibus potes subtrahere. Miseram enim uero conditionem! infelicem morientis non jam statum, sed ruinam! O nimium miserande, sed non tibi! quis tui miserebitur, qui tuis ipse miseriis non ingemiscis, nisi ut majus tibi sis tormentum? Et hæc quidem Conscientiae iratae, sibique infestæ, tormenta sunt, & justi angores.

*Conscientia bona,
morientem
contra na-
tura ango-
res armat
gaudio, &
spe.*

Verum hæc vos non spectant, Conscientiae cultores eximij: 15, alia vobis arma suppeditabit illa, quibus instructi, quoscumque metus facilè excutietis. Paulinum istud tantum vobis accino; nempe *ut non contristemini, sicut dicit cæteri, qui spem non habent.* 1. ad Thess. 4. Quid enim tantopere mirandum est, dolore penitus confici & emarcessere eos, quos præsentis vitæ delectatio prouersus destituit, & spes futuræ? Hæc verò quem obarmat, securus agonem adeat, & latus instantem mortem operiatur, quæ spei eximiæ fructus afferet. Quod si forte exquiris, ubi tandem perquirenda sit hæc spes; sanè non multis opus est ut respondeam. Eam penes se inuenit Job, in suis miseriis felix scipio. *Reposita est inquit hæc spes* Iob. 19. *mea in sinu meo,* id est in Conscientiae testimonio, quod in sinu circumgestito, tanquam indubitatum & legitimum hæreditatis adeundæ codicillum: neq; verò aliud quidquam continet, nisi quod declareret, mihi rebusq; meis esse cum Deo benè. Hoc spei, hoc fiduciæ, hoc delectationis omnis, bonæ menti est fundamentum. Et si vñquam; hec certè salutis & temporis momento, verum esse comperitur, quod Philo præclarè astruit, *Qui virtutem se habet, de-
liciis huic conuenientibus fruatur.* Ant enim acquirit bonum; aut acquireret postea. Et habere quidem, affert gaudium, rem pretiosissimam: *expectatio vero habendi, spem, que est alimentum virtutem amantium.* En ut vtrumque, & gaudium inquam, & spem, morituro conferat Conscientia.

*Gaudium
morientis
ex pacato
Deo exori-
tur.*

An non enim & solidissimæ, & verò etiam liquidissimæ delectationis est materia, retrospicere exactos jam tot annos, Diuino tamen obsequio ritè impensos? in statu Gratiae vixisse; cuius tanta est præstantia, ut minima etiam bona opera, nouum ad futuram gloriam jus adjecerint, cuius jam adeunda sit pacifica possessio? Peccata quæ aut incuria, aut etiam peruersitate animi commissa sunt, penitus aut Contritione, aut exomologesi de- 16. leta

leta esse; offendit Deo factum pro culpâ satis: pœnas autem peccatis debitas aut per Indulgentiam remissas; aut iis per corporis afflictiones, olim perpetuas, aut certe per morbum cui nunc immoritur, patienter à se toleratum, planè satisdari: nihil ergo admodum restare, quod dilectissimi sponsi charissimos amplexus, Diuinosque vultus breui contemplandos impedit. An non hæc sunt, quæ animum sincerâ voluptate demulcent?

17. Quàm verò jucundum erit, actiones totâ à se anteactâ vitâ, Item ex bonorum operum memoria.
bene & religiose præstas enumerare: & in computum posse deducere, Sacra omnia & conciones quibus interfuit, exomologeses ritæ institutas, Synaxes piè aditas, jejunia exactè obseruata, peccandi occasiones studio euitatas, carnis impetigines fortiter superatas, infinitas denique Religionis. Obedientiæ, Christianæ submissionis, & tandem Fidei, Spei, Charitatisque actiones studiosè exercitas. Quis inquam tanto thesauro diues est, sine summa animi sincerâque voluptate? Thesaurum hunc tibi asserit Conscientia. *Et habere quidem Philone teste; gaudium affert, rem pretiosissimam.* Quid autem jam dicam, si & Christianæ misericordiæ adiificantur opera? si inquam mentem subeant egeni, quorum à te fami est consultum; pauperes, quorum nuditati prospicisti; afflicti, quos consilio erexisti; imo & defunctorum animæ, quas ex Purgatorij eruptas ignibus, tibi deuinxisti, & in hoc mortis articulo gratissimos habes patronos? Denique, ut rem absoluam, quàm gratum erit meminisse laborum quos perpessus es, tempestatum quas subiisti; dolorum, injuriarum, obstructationum, fortunæ aduersæ, eorum denique quæ egregiam præbuere patiendi materiam? atque hæc quidem præteriisse jam dudum, aut jam jam finienda; manere tamen Christianæ patientiæ merita; & breui, effusas lachrymas, immortali gaudio permutandas.

18. Neque rursus mihi objeceris, actiones illas à te exhibitas, multis etiam fuisse vitiis interpolatas, neque debitam perfectionem attigisse. Ut enim nonnulli fragilitatis humanæ næui adhæserint, sane pœnitentiæ vi, aut Contritionis, Amorisue Diuini efficaciâ, quasi igne perpurgatum est aurum; detersa est scoria: actionibus inquam detractum est quidquid inerat vitijs, & sic tandem sola supersunt operum merita, quibus cœlum ipsum est venale. bonorum operum dos

H h h 2

*thesauro
securitatem
adstruit
mors.*

dos exhibit ex hâc vitâ discessuro , itineris instituendi profecto grande viaticum. Horum autem possessionem , manifestum est afferre gaudium , rem pretiosissimam. Et quidem , quod in hâc re longè est pulcherrimum , thesaurus hic jam ferè in tuto est : jam prope dilectæ patriæ lares adstas ; yna tantum aut altera restat hora ; præcipua penè exhausta sunt viæ discrimina , & tota propediem salua est res. Quis mihi nunc negarit , mortis jam jam imminentis præsentiam , motus excitaturam jucundissimos thesaurum tam eximium deferenti ; per quam diuinarum tam ingentium securitatem sibi præstari , possessionemque videt asseri , nullo vimquam tempore interrumpendam ?

*Spes future
gloria lenit
angores na
turales
mortis.*

Ne quæso , ne requirite , quanta futura sint morientis gaudia , quæ ei suggeret futuræ gloriæ expectatio : quæ futura sint suspiria , ad fontem suum & originem suspirantis , & quis sensus ad æternas delectationes summâ cum fiduciâ commigrantis animæ : nimis enim diuina hæc sunt , quæ ab homine possint exprimi , aut percipi ab inexperto. Istud scio , spem tantam , & tam egregie obfirmatam , alimentum esse animarum virtutem amantium , quæ mens refecta , vires concipit itineri conficiendo non pares tantum , sed & majores : eriguntur animi , & facile molestias omnes superat , quas terrena corporis habitatio , deliciarumque prorsus rusticarum memoria , & naturæ , mortali vita tenaciter insistentis affectio , per exilia & vana mortis tetriculamenta , rem inexpertis solet obuoluere .

§. IV.

*Optimam esse in mortis articulo memoriam bonorum operum ,
ad excitandam letitiam. Sanctos viros non fuisse tunc
tristes aut melancolicos. D. Hilarionis metus ex
penditur , & ostenditur sine fundamento
adstrui.*

*Obiicitur
D. Hilario-
n: in morte
metuentis
exemplum.*

M Agna sunt hæc inquieres Conscientiæ encomia: præsentissimum est , quod ab eâ morienti datur , præsidium. Ast istud nunc exquiritur , an etiam consultum sit , bene acta in memoriam reducere;